

ab gestüd¹³ ab geboem⁹, vnd schlechteklich ab allen Rechten nützen fruchten¹³ vnd zuogehoerden¹⁴ benempten vnd vnbenempten / habint wir dem obgenanten hansen kobler vnd allen sinen erben vnd nächkomenn¹⁵ für vns⁶ vnd och all vnser⁶ erben Recht vnd Redlich ze köffent geben ains be-/staeten⁵ vngevârlichen ewigen köffes vmb drüzehen¹³ phunt guoter⁷ genaemer⁵ pfenning Costentzer münsz der wir aller sament nutzzlich vnd och gar vnd gantzlichen / näch vnserm⁶ willen an Barem gelt von jm gewert vnd bezalt sigint. Mit dem geding das wir vnd all vnser⁶ erben vnd nächkomen in dero hand vnd gewalt die / obgedächten vnser⁶ stukk vnd gueter⁴ näch vns⁶ iemer koment ald stând. dem selben hansen kobler ald sinen erben oder nächkomen. dû obgeschribnen sechs viertail guetz⁴ / schoenns⁹ luters waissen ab den selben vnser⁶ stücken vnd guetern⁴ nv hinnenhin jaerklichs⁵ vnd iegklichs jâres besunder ie vff Sant Martis tag ân alles verziehen / Richten vnd geben soellint⁹. Ald inen aber vff den selben tag so vil guoter⁷ vngevarlicher varender phand in jren gewalt ân jrn schaden bringen vnd antwürten die sù / denn ze mal ald darnâch wenn sù went vmb sechs viertail guetz⁷ schoenns⁹ luters waissen veltkilcher messes wol mugent versetzzen ald verköffen ân gevaerd⁵. welches jâres aber / wir ald vnser⁶ erben oder nächkomen. jm oder sinen erben ald nachkomen den selben jren zins dû sechs viertail waissen vff Sant Martis tag nit fürderlich¹³ vnd gantzlich / vssrichtent als ietz hie vor ist beschaiden. So sint inen dû obgeschribnen vnser⁶ stukk vnd gueter⁴ aellü⁵ sament mit grund mit grât vnd mit aller zuogehoerung¹⁴ vnd Rechtung / zinszfellig worden vnd dannenhin ze Rechtem ewigem aigen gefallen vnd verfallen ân vnser⁶ vnd allermaenglichs ansprâch jrrung vnd widerred ân all gevaerd⁵. Des / vnd aller hie vorgeschribner stukk vnd ding wir vorgeannten Ruggen baid vnd all vnser⁶ erben. des egenanten hansen koblers vnd siner erben. gut⁷ vnd getrûw wern / sin soellint⁹ näch Recht wâ vnd gegen wem sù¹³ des an gaitlichem ald an weltlichem gericht iemer bedurffent ald notdürfftig¹³ werdent mit guoten⁷ trûwen¹³ ân all wider-/red vnd gevaerd⁵. Vnd des alles ze wârem offem vrkünde vnd staeter⁵ fester sicherhait nv vnd hienâch. So habint wir dem selben hansen kobler vnd allen sinen erben / vnd nächkomen disen brief hiervber ernstlich gebetten Besigeln mit des vorgeannten Stattammans Johansen Stoekklis⁹ Insigel.